

UGOVOR

O PRUŽANJU USLUGA OVJERIOCA UPRAVE ZA INDIREKTNO OPOREZIVANJE

Zaključen između: Uprave za indirektno oporezivanje, Bana Lazarevića bb, Banja Luka, koju zastupa direktor UIO

i

Naziv Druge ugovorne strane,

Ulica i broj, Poštanski broj, Mjesto

PIB obveznika, PDV broj obveznika

Kontakt telefon, e-mail adresa

Ime i prezime lica koje zastupa Drugu ugovornu stranu

(u daljnjem tekstu: **Druga ugovorna strana**).

Član 1.

Predmet ovog ugovora je uređivanje prava i obaveza ugovornih strana, u vezi pružanja usluga Ovjerioca UIO. Pod uslugama Ovjerioca UIO, u smislu ovog Ugovora, podrazumijeva se izdavanje kvalificiranih elektronskih potvrda (u daljnjem tekstu: potvrda) za potrebe Druge ugovorne strane, fizičkim licima zaposlenim u Drugoj ugovornoj strani, a koja su od strane Druge ugovorne strane, ovlaštena za dobijanje potvrda (u daljnjem tekstu: Korisnici potvrda), uz naknadu.

Član 2.

Sastavni dio ovog Ugovora je Tabela s podacima o korisnicima potvrda (u daljnjem tekstu: Tabela). Ugovorne strane su suglasne da Tabela predstavlja dokaz da su korisnici potvrda ovlašteni od Druge ugovorne strane za dobijanje potvrda.

Član 3.

Visina naknade za izdavanje i korištenje potvrda će se naplaćivati u skladu s odlukom o utvrđivanju cijena usluga Ovjerioca UIO. Utvrđena visina naknade bit će osnov za izdavanje računa od strane Ovjerioca UIO.

Naknada za izdavanje i korištenje potvrda se plaća prije zaključivanja ovog Ugovora i prije izdavanja potvrda.

Druga ugovorna strana nema pravo na umanjene naknade u slučaju opoziva ili suspenzije potvrda prije isteka ugovorenog roka korištenja.

Član 4.

Druga ugovorna strana je u obavezi da Ovjeriocu UIO dostavi pravno valjane podatke o registraciji pravnog lica ili organizacije (ovjerena kopija izvoda iz sudskog registra) i ovjerene fotokopije zakonom propisanih ličnih identifikacionih dokumenata, za svakog Korisnika potvrde navedenog u Tabeli (kopije ličnih karata/pasoša).

Član 5.

Ovjerilac UIO će pokrenuti proceduru generiranja potvrda i njihovog uručivanja Korisnicima potvrda, poslije evidentirane uplate naknade za izdavanje i korištenje potvrda. Ovjerilac UIO će sa svakim Korisnikom potvrde navedenim u Tabeli zaključiti poseban Ugovor o izdavanju i korištenju potvrde, kojim će regulirati međusobna prava i obaveze. Korisnici potvrda nisu obavezni da Ovjeriocu UIO plate bilo kakvu naknadu.

Član 6.

Druga ugovorna strana je u obavezi da Ovjerioca UIO odmah obavijesti o promjeni svojih identifikacionih podataka, podataka o identitetu Korisnika potvrde i o prestanku radnog odnosa Korisnika potvrde, pisanim putem, bez odlaganja.

Prestanak radnog odnosa je osnov po kojem dolazi do promjene podataka u potvrdi Korisnika potvrde i Ovjerilac UIO je ovlašten da, bez podnošenja pojedinačnog zahtjeva od strane Korisnika potvrde, izvrši opoziv potvrde Korisniku potvrde.

Ovjerilac UIO ne odgovara za štetu, troškove i gubitke nastale nakon prestanka radnog odnosa, ukoliko o prestanku radnog odnosa, Ovjerilac UIO nije obaviješten od strane Druge ugovorne strane.

Član 7.

Korištenje potvrda ugovara se na rok od 5 godina i vezuje se za datum izdavanja potvrde.

Pod datumom izdavanja potvrde smatra se datum kada je ona kreirana u Ovjeriocu UIO i upisana na sredstvu za formiranje kvalificiranog elektronskog potpisa.

Član 8.

Za izdavanje novih potvrda Druga ugovorna strana dostavlja, Ovjeriocu UIO, novu popunjenu i ovjerenu Tabelu, koja će biti sastavni dio ovog Ugovora.

Član 9.

Ovaj Ugovor se zaključuje na neodređeno vrijeme. Ugovor se može raskinuti sporazumom ugovornih strana zaključenim u pisanoj formi ili jednostranom izjavom volje bilo koje od ugovornih strana, pisanim putem, uz poštivanje otkaznog roka od 30 (trideset) dana.

Član 10.

Ovjerilac UIO ne snosi odgovornost za moguću štetu, troškove i gubitke nastale nedozvoljenim korištenjem potvrde.

Član 11.

Međusobna komunikacija i obavještanje, po svim pitanjima u vezi sa realizacijom ovog Ugovora, vršit će se u pisanoj formi, poštom ili elektronskom poštom.

Član 12.

Ugovor stupa na snagu potpisivanjem obje ugovorne strane.

Član 13.

Na sva pitanja koja nisu regulirana ovim Ugovorom primjenjivat će se Zakon o obligacionim odnosima i drugi propisi koji reguliraju ovu oblast.

Član 14.

Ugovorne strane će eventualne sporove rješavati sporazumno, a ukoliko sporazum nije moguć, spor će rješavati nadležni sud u Banjoj Luci.

Član 15.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Druga ugovorna strana

Uprava za indirektno oporezivanje

Dr. Miro Džakula

Broj:
Datum: _____ . godine

Broj:
Datum: _____ . godine